

攝制萬邪斬戮無大自小皆殂妖絕先陰禍  
滅太和乘景策虛上躡飛霞出入帝庭長保  
靈柯畢 次咽炁三十六過止不受神虎上  
符不得妄說此祝此祝皆九天大魔內諱一  
呪九天駭動萬鬼束形千精喪目百神詣庭  
不受而妄說皆亡魂失魄萬上滅魔之祝亦  
如此明慎之焉又有消魔符及神虎之符在  
消魔經中悉是九天魔王之隱音也亦應佩  
祝制之時悉服一枚益佳興寧三年乙丑歲  
七月一日桐栢真人授許遠遊言至甲申乙  
亥壬辰癸巳之歲九月一日七月七日四月  
八日富有道士著七色法衣手持九曲策杖  
或在靈壇之所或在人間告乞或誅經詩或  
作狂歌子若見之勤請其道必授予神虎上  
符此南嶽真人太上常使其時下在人間察  
視學道者之心


洞真太上金篇虎符真文經

洞真太微金虎真符

廣六

太微天帝君金虎真符藏于太上元景瓊宮  
毒獸萬毒擊魔衛經神虎七十備于玉關西  
華玉女三百人散香霄庭五老典籍金晨侍  
真非有瓊籙玉名刻簡三清者皆不得金虎  
內符及聞太上之玉篇矣此符刻於上清玉  
簡智慧篇中有七萬言靈音道妙微旨難詳  
或著天魔隱諱或表萬神內名或釋幽喻疑  
訣于瓊音也小有玉君抄出此符及威神內  
文之法以制天地羣靈有一百言耳此呪奇  
秘名曰三天虎書太元上錄受之者先齋七  
十日齋金虎玉鈴素錦玄羅各三十尺以為  
金真之誓盟于天地不宣之約依四極明科  
聽使七百年中得傳三人  
太微天帝君金虎玉精真符乃太元上景自  
然金華之內音也以役命金仙封山召靈威  
震六天戰落萬神太上常使西靈太甲七十  
萬人衛符於太微瓊宮佩此符者威制天地  
呵叱羣靈控駕景龍位司高仙瓊音既震則  
玉華侍側金真衛兵千妖喪眸萬鬼滅形九

魔逆首六天摧傾道妙極真神衷五靈左嘯  
玄童右攝金晨大哉寶文大帝威真豈徒碑  
毒攘試滅妖而已乃求仙之妙品得真之標  
第矣侍書有玉童玉女各四十七人營衛於  
有經者之身奉符遵科上昇三清若違慢天  
文及傳非其人身入風火七祖父母長拷于  
水官  
太微天帝君金虎真符



右金虎真符太微天帝君以傳金闕帝君朱  
書白素威以紫錦囊佩之著頭上以行則威  
制天地羣靈神仙敬伏玉華執中天下衛難  
山嶽稽精加救威神之祝玉清之章便得賊  
斬九魔千妖滅形矣此上清禁符不傳於世

得佩之者飛昇上清

太上元景金真威神內祝以役召神共斬滅

邪鬼當入室燒香叩齒三十六通坐卧慈意

乃祝之曰

辟虬毒王震拾羅赫八仙秉鏡上帝五靈太

玄落景七神衛庭黃真耀符煥擲火鈴神虎

奮豪毒鋒亂逞紫勃文儀四環仰鴻九天六

天回大晶晶外纏玄炁內守師兵左威右顧

風伐火征叱斬萬妖摧職千精金真啓震九

魔攝形北鄴摧落所滅皆傾我佩真符校使

萬靈三元告真玄合帝誠太微上命上昇三

清太元上景威神內祝之法皆上清之禁經

也辟虬毒王者是六天大鬼之內名也震拾

羅赫者是北帝魔王之隱諱也四天晶晶者

是北鄴鬼相之魂名也能知三鬼名者則千

妖竄跡萬鬼匿形九魔莫得而動試百邪弗

得而陳害山林獨處及在府廟神鬼之中使

可業而行事不必燒香入室也

豁落大符 此符青地黃書

洞真太微金虎真符

日元 朱地青書

月元 青地朱書



歲元 白地黃書

榮感元 朱地黃書

太白元 黃地黑書

辰元 青地朱書

鎮元 白地朱書




五鈴登空步虛保仙上符一名天華

太微天帝君受炁之始玄象初分登九玄虛  
生之基五帝神官衛於八方五符空映若存  
若亡奄鶻鳳臺之上瓊房曲室之內積七千  
年其文見焉流光耀於九霄文鬱煥乎玉清  
左擲則為流金火鈴右振則冠鈴落七元攝  
制極天之魔威布九霞之庭至極妙道洞微  
難勝帝君方清齋太空瑤臺洞真之殿玉室  
金華之房侍女聚真五色神官十億萬人飛  
歌毒龍俠闕備門巨虬千尋衛於墻垣鳳鳴  
龍嘯百音激館威揚廣庭師子嘯喚衆吹雲  
歌玉響流瓌神妃合唱而奏音玉女鳴絃而  
拊彈余乃引中央黃老君太極四真人鼓流  
霞之醴錄剛之果赤樹白子隱芝雜結衆香  
芬落積九十日於是龜母紫華太一拂筵天  
妃侍香玉女結編以白玉為簡金書其文以  
付仙都左公封以玉笈雲錦之囊傳付中央  
黃老君君像盟奉受五符稽首而退即致九  
靈流景雲與五色神官五萬人飛青翠羽龍  
帔上登金闕玉清之宮

若有金書東華得見此文則宿運應仙佩符  
而行萬神來朝出虛入空迴巖五嶽運度五  
星身生水火變化十方佩之九年降致綠輶  
上謁三元位登  
玉清其道秘妙非真不傳輕泄篇目身沒形  
殘休玄真明科七十年得傳一人違盟辱誓  
殃及七玄身及死師同充下鬼十苦八難

青帝碧霞流鈴登空步虛上符



東方青帝元洞元明元耀延靈耀元君各九千人青陽至童九十人侍文左東嶽太山仙官二千四百人青要玉女九十人侍文右衛佩符華仙身

赤帝丹靈流鈴登空步虛上符


第六

七




南方赤帝大洞元生大靈機皇君各八千人絳宮玉童八十人侍文左南嶽衡山仙官二千四百人太丹赤圭玉女八十人侍文右衛佩符章華仙身

白帝素靈流鈴登空步虛上符



西方白帝金城耀元元導太仙君各六千人耀靈元化玉童六十人侍文左西嶽華山仙官各二千四百人太素玉女六十人侍文右衛佩符華仙身

第六




黑帝綠靈流鈴登空步虛上符



北方黑帝玄洞元陰五耀延靈元華鬱單君各五千人皇機太極玉童五十人侍文左北嶽恒山仙官二千四百人太玄玉女五十人侍文右衛佩符華仙身

黃帝蒼靈流鈴登空步虛上符



中央黃帝中耀五陽五陰中皇洞極高皇君  
各千二百人皇機執忠玉童十二人侍文左  
中嶽嵩高山仙官各二十四人黃素玉女  
十二人侍文右衛佩符華仙身男以青鳥地  
女黃書白  
地佩之右

五色錦各五十尺以請五帝仙官

紫金五兩跪誓五方之信沉香五斤上闈三

元宮

真朱一斤以為盟丹之誓書刀子一枚以斷

死炁之路

金珠七枚以奉請七元之精

絳紋七十尺以為炎光之信

受符經之身當貴信詣師清齋三日沐浴燒

香書符及經露着高壇之上一宿明朝共登

壇告北帝啟盟度符經付弟子自不登壇告

誓不得妄開篇目師輕泄經文身被風刀之

考弟子不受而披卷殃及七玄身殘失明四

極之科禁輕泄經文太真之律禁無盟信自

非全名玉格莫得聞見求仙之夫無五符佩

身五嶽仙官不衛兆形三官鬼錄不落死名

栖身山岫則為九天魔王所取出入人間則  
不免縣官災刀兵得佩之者上天復淵縱橫  
無方適意周旋存思真神還復本宮五芝自  
生身映玉光仙官防衛三元詣房乘雲駕虛  
上昇玉清

受符百日當以五寸桐板五枚書符各着一

板上又書刺各一枚記某年月朔日時某郡

鄉里某岳先生某年若干某帝子屬某岳

以付刺埋着五岳臨埋符時叩齒三十六通

呪曰

上啓三元玉皇帝尊下告五岳五色仙官奉

受流鈴五符真言清齋五香記名山川請受

真仙來衛我形五芝流黃黑白赤青身生水

火煥落火鈴龍轡諸房上登玉庭如此即有

五方仙官防衛兆身授子神真之道遊行五

嶽山海百靈莫不來朝

火鈴振威內存大神祝慧佩流金火鈴出入

遠近經履危嶮寇病之中厄害之下當存真

先以自衛開通萬里之路發行之始正向其

方叩左齒二七過咽炁三十六通便思所之

處所形象山林草木人民禽獸神靈分明朗  
然皆來朝拜我身思北斗七星覆我頭上仍  
存我左目為奔星右目為迅雷光赫奔流九  
萬里外見所之道路隨光開通山林草木人  
民屋宅兵寇鬼炁悉令消除無復子遺四道

沈然因祝曰

前開後閉天平地昂神公出遊四道開張當

今天地通我橋梁前後左右洞達八方我左

擲奔星右迅雷光流精萬里何妖敢當太一

將送萬神來迎所之所向靡不吉良乘雲駕

虛上昇太空單使引二眼之精各還其宮左

取七炁右取七炁咽之畢也如此可以冒險

海難攻鬼伐兵無不應響蕩然其法至妙不

得文傳口口相付明慎之焉依玄科七百年

聽得一傳五帝流鈴五符威制極天之魔召

攝五方神靈上應五星參落七元下應人身

九孔七明周天竟地靡有不開無幽不測無

細不鑿存符則光見擲符則振靈子若佩之

受師口言若在人間遇惡鬼之地當作振威

大祝北向閉炁十二息思五方炁覆冠一身

內外奄冥都無所見因叩左齒三十六通咽  
 五方炁方各三咽炁悉除盡盡入兆身存我  
 兩目童子光如流星煥落五方便祝曰  
 天元七精五帝流鈴煥擲電光如天奔星光  
 曜十方照鬼真形有何小妖當我生門大帝  
 有命誅戮無親屠肝剝腹絕滅鬼精千千皆  
 摧萬萬皆傾神威吐祝攝錄無停咽炁三  
 十六過止如此一祝則五方神官皆征甲命  
 卒攝錄所在有靈之卒束縛詣庭三祝鬼炁  
 滅種  
 若入五嶽周遊山川冒嶮履峻皆當未及其  
 處百步叩左齒三十六通  
 若之東嶽便存青帝希林珠官屬九千人來  
 衛我前後左右以青霞之炁覆冠我身  
 若之南嶽當存赤帝丹玄子官屬八千人來  
 衛我前後以絳雲之炁覆冠我身  
 若之西嶽當存白帝少皓靈官屬六千人來  
 衛我前後以素霞之炁覆冠我身  
 若之北嶽當存黑帝玄冥官屬五千人來衛  
 我前後以玄雲之炁覆冠我身

若之中嶽當思黃帝執忠原官屬萬二千人  
 來衛我前後以黃炁覆冠我身畢呪曰  
 乾天曜靈七晨玄精五斗華蓋統絡我形五  
 色飛霞混合交并身佩七元流金大鈴煥擲  
 北方極天鬱冥五帝神官駐策天兵為我攝  
 制山川土地千鬼萬靈皆令東首自送真形  
 前誅後戮所捕無停  
 畢如此一祝天魔滅跡萬神來朝遊行五嶽  
 履涉山川無復試觀之患五嶽仙官自來奉  
 送五芝玉英來給子身  
 若在軍寇之中懸官白刃之下厄難之中當  
 叩右齒十二通存七斗覆身玄光明映周巾  
 一體存肝為歲星出在左肺為太白星出在  
 右心為榮感星出在前腎為辰星出在後脾  
 為鎮星出在胃上今五星精炁纏絡前後我  
 身居斗魁之中五星之下次思五帝神官衛  
 我左右仍祝曰  
 天為我屋地為我床五嶽山川為我攝梁玄  
 斗元精為我衣裳我身七元之內流火之鄉  
 度我者太一務馭過我者白元無英災不能

千兵不能傷當令我身上詣金闕九老之京  
 畢如此在屈厄之中垂終之命使得解脫  
 洞真太微金虎真符